

CYNGOR GWYNEDD

CYFARFOD	Y Cyngor
DYDDIAD	3 Mawrth 2016
TEITL	Cynllun Strategol Cyngor Gwynedd 2016-17
PWRPAS	Cymeradwyo'r Cynllun Strategol
AWDUR	Geraint Owen, Pennaeth Cefnogaeth Gorfforaethol
AELOD CABINET	Y Cynghorydd Dyfed Edwards
ARGYMHELLIAD	Mabwysiadu'r Cynllun Strategol

1.0 Cyflwyniad

- 1.1 Ym mis Mai 2013, mabwysiadodd y Cyngor ei Gynllun Strategol ar gyfer 2013-17. Prif bwrpas y Cynllun Strategol yw gosod gweledigaeth y Cyngor ar gyfer 2013-17, ac fe'i adolygir yn flynyddol. Hwn yw Cynllun Gwella'r Cyngor.
- 1.2 Mae'r cynllun yn gosod meysydd blaenoriaeth y Cyngor ar gyfer y cyfnod, y sefyllfa rydym yn dymuno ei gweld ar gyfer y meysydd hynny, ac yn disgrifio'r hyn y bydd y Cyngor yn ei wneud er mwyn cyrraedd y sefyllfa yn ystod y flwyddyn sydd i ddod. Mae hefyd yn cynnwys ein hamcanion gwella sydd yn canolbwyntio ar y materion y byddwn yn rhoi'r sylw pennaf iddynt dros gyfnod y cynllun.
- 1.3 Eleni eto, mae'n ofynnol i'r Cyngor fabwysiadu cynllun penodol ar gyfer y flwyddyn i ddod. Mae hyn oll yng nghyd-destun cyfnod o baratoi at tua £5miliwn o doriadau dros y ddwy flynedd nesaf, ac felly bu'n rhaid ystyried y cyd-destun hwnnw.

2.0 Cynnwys y Cynllun

- 2.1 Pwrpas adolygu'r cynllun eleni oedd edrych ar lle rydym wedi cyrraedd ar ôl tair blynedd o weithredu'r cynllun strategol, yn ogystal â gwneud yn siŵr ein bod yn parhau i wneud y pethau iawn am flwyddyn olaf y cynllun. Er mwyn adolygu'n iawn, roedd angen inni ystyried beth oedd wedi newid ers y llynedd, gan edrych ar y materion cymdeithasol, economaidd, amgylcheddol a pholisi sydd yn dylanwadu ar y Cyngor ac sy'n debygol o ddylanwadu ar lesiant pobl Gwynedd i'r dyfodol.

- 2.2 Fel rhan o'r adolygiad, fe wnaethon ni ganfod barn trigolion Gwynedd ynglŷn â'r her sydd wedi ei gosod inni fel Cyngor i barhau i wneud ein gorau dros bobl Gwynedd er gwaethaf y ffaith fod gennym lai o gyllid nag erioed a bod y galw am ein gwasanaethau yn parhau i gynyddu. Ymatebodd dros 2,000 o drigolion Gwynedd i ymgynghoriad Her Gwynedd, ac rydym wedi defnyddio'r wybodaeth a gafwyd o'r sesiynau hynny wrth adolygu'r cynllun.
- 2.3 Bydd y pwyslais eleni, fel y llynedd ar wella gallu'r Cyngor i sicrhau'r gorau i bobl Gwynedd, ac fe fyddwn yn gwneud hynny drwy drawsffurfio gwasanaethau i fod yn wasanaethau y byddwn yn gallu eu cynnal i'r dyfodol.
- 2.4 Fel rhan o'r newid roedd angen dad-gomisiynu rhai prosiectau oherwydd eu bod bellach wedi dod i ben, a chomisiynwyd prosiectau newydd:

Prosiectau wedi dod i ben

- Ysgol Bro Llifon
- Cytundeb Canlyniadau
- Toriadau. Bydd prosiect CA1: Gwireddu arbedion nawr yn canolbwyntio ar wireddu'r penderfyniadau a wneir ar doriadau yn ogystal ag arbedion effeithlonrwydd.
- Strategaeth Letya Pobl Hŷn. Mae gweithredu'r Strategaeth Letya Pobl Hŷn bellach wedi ei ymgorffori ym mhrosiectau G4: Tai Gofal Ychwanegol, G6: Darpariaeth Fewnol a G7: Capasiti a chynaliadwyedd y gyfundrefn gofal ac iechyd.

Prosiectau newydd

- Cynhwysir prosiect newydd yn y maes Gofal, sef G7: Capasiti a chynaliadwyedd y gyfundrefn gofal ac iechyd. O ymgorffori'r prosiect hwn yn y cynllun, rydym yn hyderus y bydd prosiectau G1-G4 yn ein gosod mewn lle cadarn i gyflawni gofynion y Ddeddf Gwasanaethau Cymdeithasol a Llesiant.
 - Mae maes Tlodi, Amddifadedd, Economi, Tai hefyd yn cynnwys prosiect newydd, T7: Digwyddiadau proffil uchel a strategol er mwyn canolbwyntio ar ddenu digwyddiadau proffil uchel cenedlaethol neu ryngwladol i Wunedd er mwyn manteisio ar y budd economaidd a chymdeithasol fydd yn deillio o hyn.
- 2.5 Rydym yn cyfeirio at lle rydym wedi ei gyrraedd hyd yma, a hefyd yn dangos beth yn union rydan ni am ei wneud ac erbyn pryd i gyrraedd y sefyllfa rydym eisiau ei gweld. Mae'r cynllun yn cynnwys prosiectau a fydd yn cyfarch yr her, rhai sydd yn trawsffurfio gwasanaethau ac yn arbed arian, ac eraill lle mae blaenoriaeth glir ar gyfer gwireddu. Mae oes rhai o'r prosiectau yn ymestyn tu hwnt i fywyd y cynllun.
- 2.6 Mae gofyn statudol i baratoi ac ystyried canfyddiadau asesiad o effaith o safbwynt cydraddoldeb wrth baratoi'r Cynllun Strategol yn unol â gofynion Deddf Cydraddoldeb 2010 fel y'i gweithreidir yng Nghymru. Atodir yr asesiad yn Atodiad 2. Nid yw'r asesiad yn canfod unrhyw effaith fyddai yn cyfiawnhau gwro oddi wrth yr argymhelliad a rhagwelir elfennau fyddai ag effaith positif.

3.0 Argymhelliad

Gwahoddir y Cyngor i fabwysiadu'r Cynllun Strategol.